

faustis perenne dominans amore saeculis,  
 5 ibit quietus Oriens, salutis auctor!  
 dextra superne domini favente votis,  
 omen regentis placidum subire gaudet.  
 praestat serena radians vigore virtus  
 mundi remota superis videre sanctis  
 10 numen salubre, moderans sub orbe totum,  
 nutu favente supero ubique vincens,  
 solus, beate, dominans per omne saeculum.

## XIV

Sancte, decus mundi ac rerum summa salutis,  
 lux pia terrarum, te solo principe saeculis  
 inmensum gaudere bonis datur. aurea venit  
 summo missa deo fuis, pater alme, tyrannis  
 5 iustitia in terras et gloria candida veri,  
 teque duce mage grata fides et iura renata,  
 totaque percussis ingenti mole tyrannis  
 aspera vis posita est belli. res Itala iure  
 sceptrum dabit populis. voto pius orbis Eoi,  
 10 Auguste, invictas mundi transibis in oras,  
 teque supplex totis ducibus stipata Syene  
 orat iura, cupit lucis sibi gaudia nostrae,  
 optat, amat. fallax, en, perfida tela fugarum  
 Parthus deposuit; ruit oris undique rubri  
 15 litoris aethereo e nutu certamine amoris  
 Medus; Arabs mox omnis ovat laudare, serene,